

COMANA PONTICA Ptol. ibid. vulgò *Com*, & incolis *Zabachzan* dicitur teste Nigro. Ex eius Episcopis *Prothymius* adfuit Concilio Ephesino, & *Petrus* in epist. Synodali huius prouinciæ legitur.

PTYVSA Ptol. ibid. nunc *Pitiusa* dicitur vulgò. *Stratophilus* Ptyusij Præful subscripsit Concilio Nicæno primo inter Episc. Ponti Polemoniaci.

HELENOPONTVS.

AMASIA, Constant. Porphyrog. Them. 2. dicto Armeniaco, vulgò etiam *Amasia*. *Eulalius* huius sedis Antistes dicitur apud Sozom. lib. 7. hist. Eccles. cap. 2. & *Seleucus* Amasiæ Metropolis Helenoponti Episcopus subscripsit epistolæ Synodali huius prouinciæ ad Leonem Imperatorem.

AMISVS Constant. Porphy. ibid. vulgò *Simiso* incolis, & *Hemid* Turcis, teste Leunclauio. *Erythrius* Episcopus Amisi subscripsit eidem epistolæ Synodali.

SINOPE Constant. Porph. ibid. *Sinabe* vulgò dicitur Turcis, Leunclauio teste, & alijs *Sinope*. Ex eius Episcopis *Antiochus* in actis Conc. Chalcedonensis legitur, & *Ælianus* in eadem epistola Synodali.

IBOREA Constant. Porph. ibid. *Pantophilus* huius Antistes subscripsit Conc. Constantinop. 1. & *Vranus* eidem epist. Synodali.

ANDRAPA, quæ & Claudiopolis Noua, Ptol. lib. 5. cap. 4. *Paralius* Andraporum Episcopus adfuit Concilio Chalcedonensi.

ZELA Notitiæ antiquæ Græcæ. Epistola Synodica Episcoporum Helenoponti ad Leonem Imperatorem, meminit *Hiperitij* Episcopi Tili, pro Zeli, vt puto, & *Atticus* Episcopus Zelorum subscripsit eidem Concilio Chalcedonensi.

PAPHLAGONIA.

GANGRA Sozomeno hist. Ecclesiast. lib. 3. cap. 13. qui hanc Paphlagonum Metropolim vocat, vulgò *Gangria* teste Leuncl. & *Kiengara* Turcis. *Petrus* Gangrenæ Metropolis Episcopus epist. Synod. huius prouinciæ ad Leonem subscripsit, & *Alexander* subscribens collationi 8. Concilij Constantinop. Gangrenorum Metropolis Episcopus dicitur.

IVNOPOLIS Constant. Porph. them. 7. Paphlagonica dicta. *Petronius* huius Antistes habetur in Conc. Nicæno primo, & *Rhenus* Chalcedonensi.

SORA Porphyrog. ibid. vel Sura epistolæ Synodali huius prouinciæ: in qua *Olympius* Episcopus Surenus, pro Sorenius, legitur.

POMPEIOPOLIS Strabo. lib. 12. *Sophronius* huius Episcopus vocatur apud Socratem histor. Eccles. lib. 2. cap. 31. *Philadelphus* Pompeiopolis Concilio Nicæno subscripsit, & *Ætherius* epistolæ Synodali huius prouinciæ.

AMASTRIS Strabo. ibid. vulgò *Famaastro*. *Palmas* Amastridis Episcopus dicitur apud Eusebium lib. 3. hist. Eccles. cap. 22. & *Saturnellus* epist. Synodali Paphlagoniæ subscripsit.

HONORIAS.